

En Santiago, a 22 de agosto de 2016

Estimada Sra./Sr. Presidente:

A **Unión de Cooperativas Asociación Galega de Cooperativas Agroalimentarias, AGACA**, é líder do proxecto Interreg Sudoeste, **AGROSMARTcoop**, recentemente aprobado pola Autoridade de Xestión do Programa Interreg Sudoeste.

O proxecto **AGROSMARTcoop** «Espazo para a integración, a competitividade e o crecemento económico intelixente das cooperativas agroalimentarias do espazo rural SUDOE» abrangue 6 rexións do espazo SUDOE (Galicia, Castilla- A Mancha, Euskadi e Estremadura – ES, Aquitaine – FR e Norte de Portugal - PT) e busca paliar as desvantaxes das súas zonas rurais, así como favorecer o desenvolvemento e a cohesión económica, a través da xeración de capacidades e a busca de solucións transnacionais máis eficientes e efectivas para apoiar as cooperativas agroalimentarias nas súas necesidades específicas e mellorar a súa competitividade.

O seu obxectivo principal é crear un espazo de promoción, interconexión e interacción intelixente dotado de estruturas, ferramentas e servizos avanzados de apoio ás cooperativas agroalimentarias do SUDOE para mellorar na innovación tecnolóxica, de xestión e de comercialización a través do fomento do coñecemento, as boas prácticas e a intercooperación.

Por medio da presente, **convidamos a Vostede a participar na XORNADA DO PRIMEIRO ENCONTRO TRANSNACIONAL AGROSMARTCoop de cooperativas de España (Galicia, Estremadura, Castela-A Mancha e Euscadi, Portugal (Norte) e Francia (Aquitania) que se celebrará o vindeiro 6 de setembro (martes) de 09:00 h ata as 13:30 h., con comida posterior, no Hotel Puerta del Camino, C/ Miguel Ferro Caaveiro, s/n, 15703 Santiago de Compostela.** Achegamos programa adxunto coas intervencións previstas.

Para unha mellor organización, **pregamos confirme asistencia chamando ao 981.58.49.11 ou mediante correo a [berta.agaca@gmail.com](mailto:berta.agaca@gmail.com)** Recibe un cordial saúdo.

  


Asdo.: D. José Montes Pérez

Presidente de AGACA